



FYLKESMANNEN  
I ROGALAND

Dykkar ref.:

Vår dato: 18.08.2015

Vår ref.: 2015/8872

Arkivnr.: 433.0

Hustveit gard  
Imsland  
5583 VIKEDAL

Att. Sverre Hustveit

Postadresse:  
Postboks 59 Sentrum,  
4001 Stavanger

Besøksadresse:  
Lagårdsveien 44, Stavanger

T: 51 56 87 00  
F: 51 52 03 00  
E: [fmropost@fylkesmannen.no](mailto:fmropost@fylkesmannen.no)

[www.fylkesmannen.no/rogaland](http://www.fylkesmannen.no/rogaland)

## Løyve til å setja ut utanlandske treslag juletreproduksjon, fjelledelgran normannsedelgran, Imsland, gnr/bnr 83/3, Vindafjord

Fylkesmannen gjev løyve til planting av utanlandske tre til juletreproduksjon på kartfesta areal på eigedom 83/3 i Vindafjord kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk. Det er til dømes naudsynt å ha løyve frå kommunen til å omdisponera etter jordlova sine reglar når plantefelta er på dyrka jord.

Me viser til søknad, mottatt 20.07.2014. De søker om løyve til å planta utanlandske tre til juletreproduksjon på eigdommen dykkar på i Vindafjord kommune.

### *Heimel*

Utsetjing av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf. **naturmangfaldlova** kap IV.

### *Søknaden*

De søker om å planta ut 105 000 fjelledelgran *Abies lasiocarpa* og nordmannsedelgran *Abies nordmanniana* på totalt 150 daa over ein periode på 15 år. Arealet som skal tilplantast er i dag eksisterande juletrefelt.

Me gjer merksam på at forskrifta gjev høve til å handsama søknader om utplantingar over fleire år om gongen, og vanleg forvaltningspraksis er å gje løyve for 10 år. Dei aktuelle areala er på eigedomen dykkar gnr./bn. 83/3 i Vindafjord kommune.

### *Fylkesmannen si vurdering*

Føremålet med forskrifta er å hindra at planting av utanlandske treslag ikkje gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§ 4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. § 8 set krav om at vedtaket bygger på kjend kunnskap. Det er ikkje verna område, eller kjende artar i nærleiken, som kan bli uheldig påverka av tilplantinga. Plantefeltet legg beslag på areal som i dag er eksisterande juletrefelt.

Ut frå føre-var-prinsippet (§ 9) er det viktig å sikra seg mot at plantefelta kjem ut av kontroll, som til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er, eller blir utsett for (§ 10). I dette høvet kan me ikkje sjå at tiltaket legg beslag på, eller er ein vesentleg trussel mot stadeigne naturkvalitetar.

§ 11 legg ansvaret for eventuelle skader på naturmiljøet hjå tiltakshavaren. Kostnader ved å bota på eventuelle skader, eller å førebygga skader skal dekkast av tiltakshavar, så langt tiltaka er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Me har ikkje spesielle merknader til dette i denne saka.

Me kan ikkje sjå at planting av desse treslaga vil vera til vesentleg skade for naturmangfaldet. Dei aktuelle treslaga har ikkje stor risiko på svartelista, og det er ikkje registrert spesielle naturverdiar som kan bli trua av tiltaket på, eller umiddelbart ved sida av plantefelta. Det er likevel viktig å sikra seg mot eventuell frøsetting. Det er viktig å dokumentera rutinar for å hindra spreiding, og kven som har ansvar for å sikra hogst før frøsetting. Det er også viktig at dette dokumentet blir gjort kjent og overført samtidig som eventuelt eigarskifte til ny eigar.

Samstundes vil me minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) også gjeld for juletre- og pyntegrøntproduksjon. Her er det også ein del miljøomsyn som må takast, t.d. avstand til vassdrag.

#### *Vedtak og vilkår*

Fylkesmannen gjev med dette løyve til å setja ut fjelldelgran og nordmannsedelgran på avmerka område i kart vedlagt løyvet. Arealet er til saman 150 daa. Områda er på Imsland i Vindafjord kommune. Løyvet gjeld i ti år fram til år 2025.

Det blir sett som vilkår at alle tre, som er omfatta av vedtaket, skal fellast innan 15 år etter at dei vart planta. Eigaren av arealet er ansvarleg for felling. Vilkåret for dette løyvet skal gjerast kjent for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiding av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

#### *Klage*

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Per Kristian Austbø  
ass. fylkesmiljøvernssjef

Torborg Berge  
rådgevar

Dokumentet er elektronisk godkjent og har derfor ikkje underskrift

Saksbehandlar: Torborg Berge  
Saksbehandlar telefon: 51 56 89 39  
E-post: fmrotbe@fylkesmannen.no

Kopi til:

|                    |                       |                |
|--------------------|-----------------------|----------------|
| Vindafjord kommune | 5585                  | Sandeid        |
| Miljødirektoratet  | Postboks 5672 Sluppen | 7485 TRONDHEIM |

Vedlegg:

Felt for nordmannsedelgran og fjelledelgran til juletreproduksjon Hustveit gard, Imsland, gnr/bnr 83/3, Vindafjord




150daa

**Løyve til å setja ut  
nordmannsedelgran/fjelledelgran til juletre  
Imsland, Vindafjord gnr 83 bnr 3**

-  Nordmannsedelgran + Fjelledelgran
-  Eigedomsgrense

Ortofoto 2013 0,25 m oppløysing

1:2 500



Kartgrunnlag: FKB, Norge i bilder  
Tillatelse: © Norge Digitalt  
Kartproduksjon: Fylkesmannen i Rogaland, aug. 2015

